

尾

【**气味**】有毒。

【**主治**】齿痛。陶弘景。

文鳐鱼

【**释名**】飞鱼。

【**气味**】肉：甘，酸，无毒。

【**主治**】妇人难产，烧黑研末，酒服一钱。临月带之，令人易产。戴器。已狂已痔。时珍。



鱼虎

【**释名**】土奴鱼。

【**气味**】有毒。

海蛇

【**释名**】水母、栲蒲鱼、石镜、海折。

【**气味**】咸，温，无毒。

【**主治**】妇人劳损，积血带下，小儿风疾丹毒，汤火伤。戴器。疗河鱼之疾。时珍。出异苑。

虾

【**气味**】甘，温，有小毒。

【**主治**】五野鸡病，小儿赤白游肿，捣碎傅之。孟诜。作羹，治鳖瘕，托痘疮，下乳汁。法制，壮阳道；煮汁，吐风痰；捣膏，傅虫疽。时珍。



【**附方**】新五。鳖瘕疼痛类编云：陈拱病鳖瘕，隐隐见皮内，痛不可忍。外医洪氏曰：可以鲜虾作羹食之。久久痛止。明年又作，再如前治而愈，遂绝根本。补肾兴阳用虾米一斤，蛤蚧二枚，茴香、蜀椒各四两，并以青盐化酒炙炒，以木香粗末一两和匀，乘热收新瓶中密封。每服一匙，空心盐酒嚼下，甚妙。宣吐风痰用连壳虾半斤，入葱、姜、酱煮汁。先吃虾，后吃汁，紧束肚腹，以瓠探引取吐。臃疮生虫用小虾三十尾，去头、足、壳，同糯米饭研烂，隔纱贴疮上，别以纱罩之。一夜解下，挂看皆是小赤虫。即以葱、椒汤洗净，用旧茶笼内白竹叶，随大小剪贴，一日二换。待汁出尽，逐日煎苦楝根汤洗之，以好膏贴之。将生肉，勿换膏药。忌发物。直指方。血风臃疮生虾、黄丹捣和贴之，日一换。集简方。

海虾

【**释名**】红虾、螭浩。

【**气味**】甘，平，有小毒。

蚌

【**主治**】飞尸蛔虫，口中甘蜜，龋齿头疮，去疥癣风瘙身痒，治山蚊子入人肉，初食疮发则愈。戴器。

海马

【**释名**】水马。

【**气味**】甘，温，平，无毒。

【**主治**】妇人难产，带之于身，甚验。临时烧末饮服，并手握之，即易产。戴器。主产难及血气痛。苏颂。暖水脏，壮阳道，消瘕块，治疗疮肿毒。时珍。

【**附方**】新二。海马汤治远年虚实积聚瘕块。用海马雌雄各一枚，木香一两，大黄炒、白牵牛炒各二两，巴豆四十九粒，青皮二两，童子小便浸软，包巴豆扎定，入小便内再浸七日，取出麸炒黄色，去豆不用，取皮同众药为末。每服二钱，水一盏，煎三五沸，临卧温服。圣济录。海马拔毒散治疗疮发背恶疮有奇效。用海马炙黄一对，穿山甲黄土炒、朱砂、水银各一钱，雄黄三钱，龙脑、麝香各少许为末，入水银研不见星。每以少许点之，一日一点，毒自出也。秘传外科。



鲍鱼

【**释名**】萑鱼、萧折鱼、干鱼。

肉

【**气味**】辛，臭，温，无毒。